



UNIVERSITÄTS-
BIBLIOTHEK
PADERBORN

Universitätsbibliothek Paderborn

Außlegung der Episteln vnd Euangelien: von Ostern bis auff das Aduent

Luther, Martin

Wittemberg, 1547

VD16 L 5614

Vorrede Doctoris Martini Luthers.

urn:nbn:de:hbz:466:1-37032

Vorrede Doctoris Martini Luthers.



Ich halte/ das wir Prediger des Euangelij zu dieser zeit / mit gutem gewissen vns rühmen müssen / in Gott vnserm HErrn / wie S. Paulus i. Corinth. j. sich rühmet/ vnd spricht/ Ich dancke meinem Gott allzeit ewer halben / für die gnade Gottes / die euch gegeben ist in Christo Ihesu/ Das jr durch in seid in allen stücken reich worden/ an aller lere/ vnd in aller erkenntnis / wie denn die Predigt von Christo in euch krefftig worden ist/ Also/ das jr keinen mangel habet an irgendet einer Gaben / vnd wartet nur auff die offenbarung vnser HErrn Ihesu Christi/ welcher auch wird euch feste behalten bis ans ende / das jr vnstrefflich seid auff den tag vnser HErrn Ihesu Christi. Denn Gott ist trew/ durch welchen jr beruffen seid zur Gemeinschaft seines Sons Ihesu Christi vnser HErrn.

Also müssen wir zu vnsern Deutschen auch sagen/ das vns Gott sein Wort reichlich gegeben hat/ in Deutscher sprachen/ Vnd in allen stücken also begabet/ das kein mangel da ist/ in allem/ das zum ewigen Leben vnd seligkeit dienet / Vnd nichts mehr noch anders warten müssen/ denn das vnser lieber HErr Ihesus Christus come / vnd hole vns zu sich in den Himel/ durch seine herrliche vñ selige zukunfft/ vnd erlöse vns vom tode dieses Fleisches / vnd aus dieser argen schendlichen Welt/ das ist/ aus dem Reich des Teufels/ in welchem / als in vnserm elende/ nach dem fleisch / wir vns leiden / seuffzen vnd klagen müssen.

Wenn was wollen wir mehr haben oder begeren? Erstlich haben wir den Catechismum/ klar vnd gewaltiglich gepredigt/ darin wir die gebot Gottes / vnd alles / was vns zu thun ist/ verstehen müssen. Dazu das Vater vnser/ darin wir lernen/ was das Gebet sey/ vnd wie oder was wir beten sollen. Wir haben das Symbolum oder Bekenntnis des Glaubens/ was der sey vnd thue/ gebe vnd vermüge. Wir haben den rechten verstand vnd brauch der heiligen Tauffe / des Sacraments des Leibs vnd Bluts vnser HErrn/ der Schlüssel Bann vnd Absolution. Wir haben gewissen bericht / wie sich ein jglicher in seinem Beruf vnd Stand erkennen vnd halten sol/ er sey geistlich

A iij oder

Vorrede.

oder weltlich/ hoch oder niedrig. Wir wissen / was Ehelich leben / Widwen vnd Jungfraw stand sey / wie man Christlich müge drinnen leben vnd faren.

SOLchs haben wir warlich / die wir vber fünfzig jar jzt sind / vor vierzig oder dreissig jaren nicht gehabt. Vnd was wir da von als sündlin gehabt / ist vns durch Papssts vnd Menschen en seze / vnd Mönche trewme also beschmeisst / besüdt vnd zuschanden gemacht / das nicht zu sagen noch zu zelen ist. Vnd doch vnzelich geld zu solchen vntreglichen vnd verdamlischen bürden vnd schaden gegeben / Da war die ganze Welt in allen winkeln vol Messen / Seelmessen / Vigilien / Walsarten / Abblas / Heiligen dienst / Möncherey / Nonnererey / Pfafferey / vnd grewlicher grewel / die nichts theten / denn das sie geld namen / vnd vberluden vns mit eitel Teufelslastern / vnd blendeten vns die augen / das wir das selige liecht / vnsern HERREN vnd Heiland ja nicht kennen solten.

Ver das haben wir die Postillen / vnd sonderlich diese jzige / so mein guter Herr vnd freund Doctor Caspar Creuziger gebessert vnd gemehret hat. Darinnen vns die Episteln vnd Euangelia durchs jar / deudlich vnd lustiglich zugericht / vnd wie ichs reden mag / surgekewet sind / wie eine Mutter irem Kindlin den brey sur kewet / dagegen wir vorzeiten fast eitel Heiligen Legenden / vnd derselben seer viel erlogen (als S. Georgen / Christoffel / Anna / Barbar / Margareth / Katharin / Ursula etc.) die andern fast alle gefelscht / hören musten / das man auch auff die hohen fest / Weinacht / Ostern / vnd in der Passion / Pfingsten / viel kalts / vnnützes geschwetzes mit eintrug / vnd nehrlich der blosser Text des Euangelij im brauch bleib mit geringem verstand.

Izt aber auch die Leien können / beide / Episteln vnd Euangelia reichlich verstehen / auch daheimen selbs lesen / vnd gar viel / viel mehr / vnd alles reiner daraus nemen / denn wir zunor aus allen Predigten nemen kundten. Zu dem / sind nu da der Heiligen Legenden auch gefezet / vnd nützlich zu lesen vnd zu predigen zubereit. Vnd das Vitas patrum / welchs buch sonderlich verschlemmet vnd zu nicht gemacht / jzt widerumb sich nützlich lesen lesst.

Sind auch die schendlichen / falschen / lesterlichen Betbüchlin / der die Welt vol war / ausgerümet / dafür reine Gebet vnd gute Christliche Gesenge ausgegangen. Vnd sonderlich der Psalter / das aller feinst vnd köstlichst Betbüchlin vnd Gesangbüchlin

Vorrede.

büchlin / Des sich zu vnser zeit kein Theologus thumen thurst /
das er einen einigen Psalm also wol vnd gründlich verstanden
hette / als jzt die Leien / Man vnd Weib / verstehen.

Vnd summa / vber alles ist da / die ganze Bibel gut deudsch /
durch den druck so vbermenget / das ein jglicher Hausvas
ter / vnd wer da deudsch lesen kan / eine eigen leichtlich wol zeu
gen kan / Da zuvor viel Doctores Theologie waren / die jr leben
lang nie keine gelesen / etliche nie gesehen hatten. Das wir Predi
ger (so zu dieser zeit vnser Ampt trewlich wollen ausrichten)
dem Volck leichtlich gnugsam predigen / vnd sie leren können /
wie sie sollen selig werden / wenn mans auch gleich allein aus
den Büchern von wort zu wort daher jm furlesen wolte . Wil
darüber jemand blind / vngestrafft vnd vngeleret sein / So sind
wir an seiner verdammis wol entschuldigt. Wir haben das vn
ser trewlich vnd reichlich ausgericht.

Darumb lass vns nu fort auch danckbar sein / Gott dem
Vater aller barmherzigkeit / auff das vns das liebe Wort /
vnd solch Liecht / nicht widerumb durch Gottes zorn vmb vn
ser sünde vñ vnser vndanckbarkeit willen widergenommen wer
de / Vnd nach dem ausgetriebenem Teufel nicht sieben erger
Teufel komen / vnd alles erger werde / denn zuvor je gewest ist.

Denn da ist bey den Papisten kein auffhören / solch liebes /
auch erkandtes Wort der Wahrheit / zu lestern vnd zu verfol
gen . So ist bey vnsern etlichen auch der siebenfeltige Teufel in
sie gefaren / vnd sie erger gemacht / denn sie im Bapstum gewest.
Dort musten sie lügen hören / vnd gros gelt zugeben / damit sie
gewislich in die Helle faren möchten . Jzt / nu sie die reine war
heit vnd alles vmb sonst haben / vnd nichts dazu geben / wollen
sie auch vngestrafft sein / vnd den Pfarherr oder Prediger mit
sich zum Teufel haben / Denn welcher Pfarherr oder Prediger
nicht straffet die sünde / der mus mit frembden sünden zum Ten
fel faren / wenn er gleich seiner eigen sünde halben (so jm verge
ben sind in Christo) ein Kind der seligkeit ist.

Wol mag geschehen / das etliche Pfarherr vngeschickt sich
halten mit worten / Aber ein from Christen solt ja so lange zeit
her / doch so viel ich wolt sagen / so wenig gelernet habe / das er
künde mit einer kleinen gedult sagē / Wolan / mein Pfarherr / der
doch sonst from ist / triffst mich / oder falet mein / thut mir vnrecht
oder recht / so wil ichs zu ehre dem Wort (des Ampt er jzt süret)
vnd

Vorrede.

vnd meinem HErrn (der für mich Tod vnd Helle gelidten hat) auch leiden / Wo nicht / so wil ichs mit jm freundlich reden / oder den Nehesten Pfarherr oder Superintendenten lassen handeln / Fürde sichs denn / das der Pfarherr aus bosheit / rache oder haffs etwas geredet hette / das mans vertruige / oder in weg thet.

Mata

Wo es aber auch allein aus dem siebenfeltigen Teufel / des vngedultigen tropffen / sich spönnne / Das der nachkomende Pfarherr (so die andern haben müssen) solche siebenfeltige Teufelskinder meide / vnd für nichts anders halte / denn für den Man / der zu tische sas im Abendmal Christi / vnd nach dem eingetauchten bitten alle Teufel in jm faren lies. Lasse sie auch keine gemeinschaft mit den Christen haben / Sondern Sacrament / Absolution / vnd alle gnade Christi versaget / zur Tauffe nicht stehen / noch zum grabe oder brautgang nicht leide / Sondern sie sterben lasse wie die Hunde / vnd auff den Schindleich sie lasse begraben / da die Raben / Kreien / Dolen vnd Wolffe die Vigilien vnd Seelmessen vber solche Heiligen singen mügen.

Denn es ist nicht zu leiden / das / wenn ich ein trewer Pfarherr / r. oder xx. Jar gedienet / tag vnd nacht hette müssen auff sie warten / wenn sie krank oder Pestilenz hetten / damit den Himmel für mich wol verdienet / vnd solt vmb eines solchen stolzen Tropffens willen / der sein lebenlang keinen heller / weder vmb Gottes noch vmb Menschen willen gegeben hette / Gotte in mir lassen das Maul stopffen / vnd also mit frembden sünden sampt jm zum Teufel faren.

Eg. J. 27.

Aim. of 700

Denn Gott gar ernst gebent Ezech. iij. Sagestus dem Gottlosen nicht / so wil ich seine seele von deinen henden fordern. Vnd S. Paulus sagt zu Timotheo / Hüte dich / das du dich nicht frembder sünden teilhaftig macheft. Aber es sihet mich Deuschland gleich an / wie Jerusalem zur zeit Johannis des Teuffers / der sprach / Die Art ist an den Baum gelegt / vnd er hat seine Worffschauffel in der hand / wird seine Tenne fetzen / das Korn in seine Scheune samlen / vnd die sprew mit ewigem feur verbrennen.

Darumb sey from / wer da kan / vnd lasse böse sein wer da wil. Vnd seid jr Pfarherr vleissig / das Volck zur danckfagung / zum gebet / vor allen / zur besserung des lebens / zu ermahnen. Vnd were nicht vnnützlich / das jr zu weilen mit einfüret etliche stück der Bepflichten tyranney / darunter wir in allem jammer

Vorrede.

mer gelebt haben / damit sie desto besser erkennen möchten / wie
gar zur seligen zeit sie izt leben / vnd vnzeliger lastt vberhas
ben sind.

Die andern / so nicht wollen / die las man jmer hin sin
cken / vnd jres sinnes (wie Salomo sagt) satt werden / *Salmo.*
Sie dürffens vns nicht schuld geben / als wüsten sie es ni
cht. So ist Gott noch so klug vnd mechtig / das er seine
Kirche on der Welt vnd Teufels hülfte wol weis zu erhal
ten. Es heisst / wie du wilt Teufel / mit allen den deinen.
Christus wird fur dir nicht allein wol bleiben / son
dern auch endlich dir den kopff zutretten / das
auff lassen wir vns. Dem sey lob vnd ehre /
samt dem Vater vnd heiligem Geist /
einem rechten Gott vnd Schepffer
aller ding / in ewigkeit /
Amen.

Faint, illegible text at the top of the page, possibly bleed-through from the reverse side.

Main body of faint, illegible text, likely bleed-through from the reverse side of the page.

Ep
n

- 1 ben
- 2 sch
- 3 böse
- 4 cher
- 5 in
- 6 fol
- 7 den
- 8 bey
- 9 sti
- 10 folle

Eu
f

- Vo
seif
Mo
der
- 1 3
 - 2 zag
 - 3 der
 - 4 ode
 - 5 steh
 - 6 gen
 - 7 dur
 - 8 der
 - 9 dig
 - 10 6